



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Physical Planning Construction and  
Environmental Protection

Broj: 05-04-207002-24/20 III MG  
Sarajevo, 25.06.2020. godine

**SKUPŠTINA KANTONA SARAJEVO**  
n/r Mirza Čelik, predsjedavajući  
- ovdje -

**PREDMET:** Odgovor na zastupničko pitanje zastupnika Evisa Vrete

Zastupnik Elvis Vreto na 26. Radnoj sjednici Skupštine Kantona Sarajevo, održanoj dana 16.06.2020. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo, postavio je zastupničko pitanje vezano za informaciju o sanaciji deponije Smiljevići.

**PITANJE:**

“Svjestan činjenice da je pandemija promijenila prioritet rada, ali zašto pola godine nemamo informaciju o sanaciji deponije Smiljevići, podsjećam da smo zaključkom obavezali Vladu i nadležno ministarstvo da se za svaku sjednicu pripremi navedena informacija koja će biti jedna od tačaka dnevnog reda do normalizacije stanja na deponiji Smiljevići?”

**ODGOVOR:**

Na sjednici Skupštine Kantona Sarajevo od 08.10.2019. godine usvojen je sveobuhvatan Izvještaj o stanju i aktivnostima u okviru RCUO Smiljevići, sa prijedlogom mjera, koji je pripremila Ministarstvo prostornog uređenja, građenja i zaštite okoliša.

Ovo Ministarstvo je u 2019. godini pripremila još dvije informacije o stanju deponije Smiljevići, koje je razmatrala Skupština Kantona Sarajevo 19.11.2019. godine, te 11.12.2019. godine.



Dana 24.12.2019.godine Vlada Kantona Sarajevo donijela je Zaključak broj 02-05-44305/19, kojim se Ministarstvo komunalne privrede i infrastrukture Kantona Sarajevo zadužuje za poduzimanje svih potrebnih aktivnosti i mjera radi upravljanja nad deponijom Smiljevići, a čiji je nosilac u prethodnom periodu bilo Ministarstvo prostornog uređenja, građenja i zaštite okoliša Kantona Sarajevo.

Dana 20.02.2020.godine zaključen je Sporazum broj 05-19-1541/20 o prenosu prava i obaveza za upravljanje deponijom Smiljevići između Ministarstva prostornog uređenja, građenja i zaštite okoliša Kantona Sarajevo i Ministarstva komunalne privrede i infrastrukture Kantona Sarajevo.

Što se tiče mjera, koje su i dalje u nadležnosti Ministarstva prostornog uređenja, građenja i zaštite okoliša, a vezane su za RCUO Smiljevići, navodimo slijedeće:


Dana 10.06.2020.godine u prostorijama Zavoda za planiranje razvoja Kantona Sarajevo izvršena je prezentacija Prostorne osnove Prostornog plana područja posebnih obilježja Regionalni centar za upravljanje otpadom (RCUO) Smiljevići. Tom prilikom je prezentirana osnovna koncepcija prostornog razvoja, kao i Prednacrt izvještaja o strateškoj procjeni uticaja na okoliša za plan. U skladu sa zaključcima sa prezentacije, te mišljenjem Ministarstva prostornog uređenja, građenja i zaštite okoliša na Prednacrt izvještaja o SPUO, biće pripremljen Nacrt izvještaja o SPUO, a zaključci istog će biti implementirani u Prednacrt plana.

Dana 12.06.2020.godine Ministarstvo je donijelo Rješenje o izdavanju dozvole za upravljanje otpadom KJKP "Rad"-u za RCUO Smiljevići. Ova dozvola, pored Vodne dozvole Agencije za vodno područje rijeke Save broj UP-I/25-3-40-697-28/18 od 19.12.2019.godine i Okolinske dozvole Federalnog ministarstva okoliša i turizma broj UP-I 05/2-23-5-17/18 od 25.03.2020.godine, predstavlja osnov za postupanje u okviru RCUO Smiljevići u narednom petogodišnjem periodu.




MINISTAR

Faruk Kapidžić, dipl.ing.arh.



Dostaviti:

- Naslovu
- Vlada Kantona Sarajevo
- a/a



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031  
Sarajevo, Reisa Džemaludina Čauševića 1

